

里人  
余西麓撰次  
程自閑校閱

巖鎮三山州

留耕堂藏板

前贈朱克學編次  
游物君子勿各



敘

立言之道期于有用不在  
鞏執止也平屈言所  
與述必平諸世教之攸關  
令讀之者可足感發而興



起乃能不虛所作矣朕非  
彥根柢之學者未足以語  
乎此予守新安博訪文行  
交修之士于彖之巘鎮得  
余乎鹵麓殷朕想見其為

人庶幾于彖朕論學時相  
過茲得與賞竒析疑鹵麓  
則肩戶糸屈不人城韻托  
諸神交者數年昨睿適予  
閒燕之肯始得一相接略

觀其容貌詞氣淵狀彘道  
之士少叩其著作官視敵  
然則曰丰來屏屈陋巷之  
中伏念里門之內三四百  
季心与事之可傳者懼足

世遠而湮沒竊搜羅散軼  
哀緝舊聞集爲巖鎮誌艸  
一編而端緒尙未之有就  
史函今糴仲示以副墨受  
而讀之丐出風土勝蹟

名區創造勛庸以及祠社  
亭宇小大畢舉撫今追咎  
寓彥深情而于賢良節孝  
尤加意篤疇咎以且經標  
舉者循名攷實必實與名

乎俾後世知所則效或蘊  
玉含珠前哲網羅之所未  
盡与夫百丰而近炊肩接  
踵而興者爲之續傳而表  
章以存先民之軌範發潛

德之邕光微顯闡邕非徒  
教之攸關者哉夫文章爾  
雅訓詞深厚古作者之所  
期也鹵麓以良吏之才小  
試于一緦之紀載寫形賦

物鏗然發金石之聲及其  
旌別群倫品藻懿德嚴凝  
之氣寓于渾厚之中無畸  
指隸后辭典則濟真咸歸  
簡潔足志棄之規模靡不

備具傳堯勵俗其爲齊用  
之言衆疑矣巖鎮爲九達  
出達予嘗征車過之見其  
鳳氣醕古習尚整齊巨窟  
大家蟬聯闔闈彬々琴弦

歌禮讓之風卽櫛比而屢  
不覩塵囂之氣予顧而察  
之此不愧古邠仁里也今  
讀是編夫朕後知三百餘  
年代齊英賢詔謀弘遠尊

崇節義禮教不衰先正之  
餘風逸韻澤流後世者豈  
一翰夕之故哉因敘其撰  
述之意弁諸篇端  
雍正乙卯臘八月

中州竇容恂贊



後學余勇敬書





巖鎮志草序

巖鎮志草五卷居人余子  
西麓所論著也一統志之  
外省有志矣府州縣有志  
矣志未有以鎮名者有之

自延綏始顧其地跨府州  
形勢險阻事關天下古今  
之理亂是藩鎮也非若一  
鄉一村云爾也則巖鎮何  
志乎爾去郡治二十里而

近不設官寺無名山大川  
之勝無關塞險要徽之衣  
冠舊族類居村鄉其聚數  
百家或千餘家之煙井者  
相望於山谷之間往往與

巖鎮埒而卒莫有所紀述也則巖鎮何志乎爾余子曰本之祖父之提命者英故老之傳聞公私志乘之紀載桑梓之近信而有徵

編輯成帙以備遺忘又曰賢良節孝皆紀其實而旁及於風土典物嗟乎何其言之質而不誇也荆楚之記歲時也華陽之志士女

也古之立言者設無關於  
人才風俗孰則輕事鉉槩  
哉西麓績學數十年名滿  
天下後生小子輩思讀其  
書者不啻饑渴者之於飲

食疾病者之於醫藥而西  
麓等身之集尚留以待後  
世子雲也則以西麓之學  
之富之才之高折衷聞見  
以紀一鄉之近三二百年

序四  
之事又藏之篋笥垂老而後出以示人此其考据之詳核序論之精當豈顧問哉而吾特有感於作志之難也今試彙縣志而為府

志則倍難矣謂夫千里之廣不如百里數十里之近而易周也試彙府志而為省志則又難矣謂夫數千里之廣不如千里數百里

之近而易周也天下之大  
特一鄉之積耳使賢士大  
夫人人各就其耳目所及  
信而有徵者筆之於書以  
垂久遠俾其後司志乘之

任者擇而採之裒而集之  
復何難哉復何難哉是故  
吾於茲志有取爾也故為  
之序  
乾隆戊午仲春月

南州楊雲服拜撰



巖鎮誌州序

李文叔之記名園也謂園圃之  
廢興洛陽盛衰之候也處今而  
思昔所以援往以詔來毛子晉  
取伽藍記合訂之以為雖文筆  
差殊而感慨係之中州風景尚

依然在目其用意微矣然于富  
鄭公司馬溫公亦僅詳其亭軒  
木石而不及其人之德業何也  
意者大書特書煌煌國史而茲  
第于流風餘韻想見之歎不然  
則微顯闡幽當以人倫為本而

不在景物之隆替也予姻友余  
子西麓具弘博之學懷珠不售  
知時命之不能違退居閭巷之  
中潛心著述儵然斗室方不盈  
丈一几一榻列羣書坐僅容  
膝臥祇側身無餘地也暇即據



序  
榻憑几手披口吟日課有常題  
其室曰程齋所著詩文悉以程  
齋集名之遠近知名之士莫不  
思窺其全豹余子深自韜晦謂  
窮居而拈弄筆墨祇堪自怡悅  
耳寧敢貽識者之誚乎嘗語予

曰韋布儒生不獲斧藻羣言大  
其聲以鳴國家之盛安能登作  
者之堂而附青雲之士在鄉言  
鄉巖鎮四三百年有潛德幽光  
或不盡留于史乘嘉猷勝蹟或  
僅故老之傳聞竊懼時勢日遷


遂成湮沒擬搜討編緝以誌不  
忘而已予曰此侂有志而未逮  
者也侂不敏請從吾子之後而  
襄其未議可乎余子旁求遐覽  
攷訂精明凡鎮之所可稽莫不  
畢載而于賢良節孝垂為典則

者獨加詳慎其微顯闡幽之志  
考古證今者所宜神契也編成  
名曰巖鎮誌草予請登諸梨棗  
以壽于世俾後賢有徵焉商書  
曰將升高必自下將陟遐必自  
邇天下者一鄉之積也巖鎮雖

歙西一隅為九達之達而巨室  
大家之都會英才之盛媲美周  
京閨閣之賢稱為鄒魯先哲所  
經畫規模弘遠溪山之環秀悉  
發天然筆之于書雖曰小紀可  
成鉅觀由是而推之郡國推之

海宇成一代之文章自茲始也  
語云魯人將陟泰岱必先東山  
吳人將涉滄溟必先彭蠡作者  
之意亦若是矣豈徒名園伽藍  
之感慨而已哉  
雍正十二年歲次甲寅仲秋月

同學姻弟程佶自閑氏撰



柘水同學方平立三氏書



誌州自叙

不試于時得以屏居陋巷內息  
百慮外謝五交追念舊聞旁稽  
紀載近取里門故實編輯成書  
稗野之譚未敢云誌亦草創之  
以備遺忘焉耳矣或譏之以後

斤之于里鄙母乃所見之不廣乎曰唯之否之夫不忘其鄉君子之道也學士自命博蒐遐覽多識前言往行以畜其德非不期友天下士尚論古人然所聞異辭所傳聞異辭而父母之邦

典型具在信而有徵反弁髦棄之乎詩云維桑與梓必恭敬止桑梓何地蔑有而獨于井里所植恭敬焉者其心可知也茲所撰述者幼承祖父之提命長聞耆英故老之緒言訪諸公私志

乘叅互攷訂于良用微顯闡幽  
俾先世之食其德者鄉先生之  
可祭于社者賢良節孝為鄉坊  
表者皆紀其實不至世遠言湮  
此初志也旁及風土典物故蹟  
新猷亦詳載之後有作者或採

擇焉詞章樸拙才短學荒所不  
免也嗚呼出就外傳時即思所  
以自表見而今竟何如也上之  
不能心解神悟身體力行發聖  
賢之精蘊日月云邁由未免為  
鄉人也用自愧矣次之無賈董

自餘  
之才韓歐之學成千秋之業起  
八代之衰日沉淪章句中究不  
獲挾逢時之技以遇針芥之投  
終以櫟社散林偃蹇荒烟蔓草  
中為大匠所不顧命也而道亦  
乖矣矧茲瑣屑卮言奚足以資

識者之談柄雖久成編而不敢  
以問世也震川先生日記稱七  
十老而傳者何也人生方少壯  
皆求所以自樹立至于七十無  
可為矣而必有可傳者予自暴  
棄忽々已老而安所得可傳者

欵姻友程君曰子疇昔所纂錄者欲以傳古人也而願敕簾藏之乎乃出而訂正之從力之所及而漸次開雕以就正有道書何能傳古人哉或藉古人當傳而曰傳是書也然亦非所敢冀

幸者矣程齋余華瑞



門生潘陸書





誌艸發凡

華瑞顛愚寡聞渺見竊憶七八歲時出就外傳夕而  
休暇偕諸兄弟環侍先大父先大父必有以提撕  
之則古昔稱先民旁及鄉黨舊事華瑞雖幼小亦  
心識其什一稍長幸諸故老不遠棄予側聆其緒  
論時時得所未聞迨今齒髮黃落匏繫荒齋欲求  
進益則老成凋謝無可師資因思疇昔所聞將湮  
滅是懼擬述其大畧以存之而悠忽已久程君自

閑時為鼓舞以成予志乃能撮集成編然鄙陋無文等于街談里諺安敢竊比稗官也

吾鄉亦一隅之地耳而獨以鎮稱論者以為此特因甲第如鱗賈區若櫛輿馬輻輳冠蓋麗都故張大其名耳而不知沿革俱本王制所由來者遠矣首書原始形勢附焉

新安在萬山中歛之西鄉獨開平原周環百里而遙沃壤繡錯如星如砥巖鎮居其中區非有名山大

川也然橫岡曲阜蟠結完固清流繞匝東注西迴皆踞勝遊可供眺泳矧為地肺所鍾天然拱秀者乎次紀山水

王制司空度地以居四民則必詳其規畫若鄉曲之中市廛所萃雖極殷繁非有封畧經塗規土連城之弘製也然有一二大築削以補山川之罅隙而成固結之功者以一鄉之建置名之

陵谷尚有變遷造作寧無廢墜或業墮而猶存其迹

或迹泯而幸留其名流風餘韻起人遐思則故老之傳聞可以資後賢之博攷古蹟之載凡編輯者所不廢也

潁水界其東西豐樂溪區其南北旣難厲揭不可方舟履險如夷無濡首滅頂之患者橋梁濟川之大利也吾鄉巨製皆賢者獨任之無呼將伯所宜特書矣

祭法云捍大患禦大災則祀之明有功也俎豆以云報也又曰法施于民則祀之崇有德也馨香以致敬也生為人望沒祭于社天理之當然人心所同然矣紀諸祠所以發好德之誠而立功德之典也高山之景行有足賴焉

徽臯祠祭為重百世不忘其本知尊祖也尊祖故敬宗敬宗故收族族姓蕃衍必有宗祀以統一之上治祖禰下治子孫風教之所關也王制百家置社重農貴穀之義或羣姓所祝嘏或聚族而明禋春

祈秋報之時觥籌交錯以聯隣里族黨之歡亦猶行古之道也故悉數其祠宇而紀之

梵宇琳宮璿題碧榜淫祀無福此敝俗也吾里于二氏無大經營其為居人祝釐之所亦間有之二三百年相承勿替或亦有其舉之莫敢廢者歟抑或為風土之所宜也菴觀亦得附載焉

巖鎮自嘉隆以來巨室雲集百堵皆興比屋鱗次無尺土之隙諺所謂寸金地也安得閒田以為範圍

故闌闔雖稱勝境而園亭不及鄰鄉惟蚪山之娑羅園南山之萊園檀山之樗園妙有天然之趣旁搜舊蹟不無滄桑之感矣

畢公之命曰旌別淑慝表宅里以樹風聲彰善所以瘳惡也近古以來黨正閭師之政不修街彈僅有虛室而賓興又不以三物則凡仁智聖義之士孝友婣睦之行有其實而名不賓之何由俾人畏慕哉吾鄉先正因人心之所不忘者大書其名而揭

之于孔道亦善善之公也往來其下者得悉數之  
曰某也德某也才某也文某也行及攷其才德文  
行之實則無能道之者雖其孫子亦或茫然豈微  
顯闡幽之意歟華瑞之生也晚又值文獻無徵竊  
殫心役志博訪窮搜有可憑者裒而彙之存其大  
節不敢粉飾易其面目或前有遺哲或後有繼美  
各為續傳以附于後俟大人先生之採擇

共姜守義千古美談以有傳其事以證其詩者也不

然之歿矢靡隱當時尚不諒于其母百世以下何  
由能諒之哉里門之有節孝坊所以發潛德之光  
也前輩舉善必本輿論之公故稽舊日所書雖貧  
無立錫至後祀忽諸者皆得與焉而近今亦或不  
然矣且其大書于坊者其為節歟為烈歟為孝歟  
渾然無所區別名氏雖載猶之乎不傳也華瑞自  
慙卑賤又媿鄙無文何足表微謹從郡邑之誌乘  
諸族之家譜得其實蹟敬錄存之其無由攷據及

其子孫不惠教姑闕之不敢以己意誣也附有續傳並誌女貞聞見確然不忍其湮沒耳

文苑第紀狀元是狀元之外無文人矣華門圭竇之內豈無金玉之聲肘見踵決之儒不乏轡籠之製若舍富貴而論文章亦不當掩其山輝川媚之光也代有作者特為文苑別傳位置之

吾里人文之盛甲于鄉邦先進多有專集迺好為名山之藏而不求炫于世其家或亦不甚珍惜至任

其散佚全豹難窺然焦尾之桐餘音猶在尚不勝撰述也惟有關風土足證事制或勝槩之藉以傳者錄而存之以備叅攷

科名之為族黨光也以其有裨益于族黨也若徒以其富貴顯榮則第一身之事耳又何與于族黨哉吾里如鄭雙谿方夷庚諸先輩實有功于桑梓可謂無愧科名矣而不然者潔身自好之士寧為魯男子以善學展大夫耳標名坊表者比肩接踵二

三百年之後安知其誰何哉錄之于籍異日從覆  
甌之餘觀而識之曰若某君者覆幬里門誠可謂  
鄉先生矣乃所以為族黨光也

薦辟筮仕封君任子武舉科第以及坊表井巷之屬  
俱署其名總為彙編

災祥怪異里巷之人偏樂道之稽神錄異非纂紀之  
本指惟于徵驗之灼然者別為逸事其中不無法  
戒焉至於習俗由隆而替亦勢之必然也竊附鄙

論愚韞罔知忌諱所以垂涕泣而道者物窮則變  
數極則反挽頽流而障之所厚望于主持名教者  
也

愚性懶拙體質單羸每役志撰述輒為病魔所尼偶  
作必輟咎在鮮終夙聞曹白僧先生曾有誌草一  
編求之二十餘年泯然無迹如石火電光之滅沒  
也華瑞鸞鳩之見安敢比翼鵬圖然思學習以仰  
追片羽久有志而未逮者將為紀實之書不容參

以臆見况無徵不信終慙孤陋采緝不周所恃程君博雅弘通多識前言往行不靳搜討網羅以輔予之疎淺編摩所就功過半矣

巖鎮誌元集

余華瑞西麓撰次



程 佶自閑校閱

原始

歙城附郡之東郭自縣治而西二十五里曰巖鎮其鄉舊名永昌洪武二十四年改曰永豐分其里曰清泰居六邑之都會為九達之通達鱗次萬家規方十里閭閻蟬聯百昌輻輳則自有明嘉隆之際始也分



野屬天官斗十六度其地在秦之鄣郡漢之丹陽孫吳之新都晉之新安唐武德四年置歙州宋宣和改徽州而縣自古以歙稱歙東故有華陽鎮唐太曆元年分置績溪縣更于縣西立巖寺鎮其時居民列平岡之上僅百餘戶東至今塢頭西界潁溪之澗古巖寺為徑山蘊公道場僧徒五百餘人極其弘盛以鎮為護持故名因之宋紹興壬子詔更名曰巖鎮

形勢

歙在萬山之中西鄉特開平陽周環百里直接休寧名鄉巨室綦布星羅巖鎮適當其中天馬列于西南驤首騰空有嘶青雲振綠髮之勢黃羅矗于丁方穎銳秀拔挺出雲表闌闌之宇發祥之堂斧多負癸面丁名為文筆天都蓮華青鸞諸峯嵐擁雲聯如屏如屨豐水發源黃山沖澗而明媚潁水來自金竹澄澹而漩濺墩阜綿亘融結聚星溝澗西流迴環東帶登獅山而望千門萬戶祥光燭天及反顧于鳳山但見

蒼翠千層包羅萬象如良玉在璞含輝而不露也

山水

阜嶺在鎮之南脈原金竹歷豐南過瞻路嶺由托山  
左行邈迤而來萃嶺拔起鳥道盤旋儼如關塞西  
分小峰蜿蜒逆上直接南山東有黝石數十仞高  
出雲際坐其巔則北面黃山芙蓉萬壘煙雲可挹  
西覲白嶽玉屏獅子獨聳諸峯如青螺數點東揖  
紫陽其平若几可俯而憑也目力所收千變萬狀

培塿瑣瑣平鋪螳垤炊烟萬戶宛若澄波遠近浮  
屠高不盈握舊名烏石峰萬曆間汪少司馬道昆  
張幔燕集有客胡元瑞自遊幔亭而來適際斯會  
曰即此何讓幔亭山矣因以名之康熙乙亥九日  
吳大司成苑集諸名碩賦詩其上以幔亭山為韻  
抽毫給札共十二人時稱嘉會焉

南山自天馬而來委蛇綿亘由雞罩尖中脉過豐隆  
嶺至此拔地而起高不盈十仞敦厚嚴重巍然獨

尊山史所云南山宸市而招天馬黃羅之秀者也  
形員中規頂平如砥琳宮碧榜炫日連雲而嘉樹  
菁蔥蒼翠欲滴五馬列面以朝宗潁溪環麓而如  
帶雖丹竈之奧區實經畬之勝地矣先正卜為文  
壇不特靈秀所鍾亦且塵囂不入也

蔭山其源發于金竹由叢睦順流奔赴凝然停注形  
家者言此為金竹龍行大盡而臨河在襟佩之間  
坦然踞豐溪之澣影入潯潭光明在鏡山葩承藻

交映成文曩時長松列岫黛色參天隱翠含章端  
倪不露春夏竒花間發五色相宣秋冬霜葉凝丹  
爭妍萬綠遙而矚之宛如錦絕步障故名色蔭山  
獅山與蔭山夾峙中為孔道弘敞明達鎮之天門兩  
山如蒼龍豹闕矣高約與南山齊攬秀收竒真稱  
麗矚懷抱今古曠如也

潛虬山平岡一線卧豐溪之南澣實為民居之北障  
也踞鳳山之上游潛而不躍宛有泥蟠夔屈之勢

石骨出水涯可坐而垂釣者曰虬涖其側有潭名九潭蓋自黃山狀元潭而下為第九潭也先年故多亭館競植丹桂秋風涼月香惹襟裾則又稱桂花嶺云

文几山即鳳山也舊名長坦山形如飛鳳舒翼將翔豐水東注藉此迴瀾先賢築為橋塔臺榭以尊砥柱謂塔銳如簪筆臺蓄如橫硯橋平如赫蹏則山宜為列几矣

方湖石周環盤結起伏紆迴或石山戴土或石骨峻嶒中吐平坡色如紫玉鮮潔明淨度九尺之筵東西九筵南北幾倍之石前注為湖縱衡十餘畝水瀾漫時可方舟也資以灌溉為利甚溥餘波入大塘坑同逆折入豐溪

古巖距鎮南七里而近其來脉自馬下嶺過峽矗起高峰東折而南直趨環山迴顧走長石岡至此山皆紫石遷迤平行不作峯巒峭厲其迤北橫亘百

餘丈曰卧龍虛其腹五之一而成巖嵌空深邃戴如夏屋而履之坦坦自南入北可列五筵東西計之不啻倍也龍腰石池泉從腹中出清冽凝重色白味甘羨為清涼池池左有方塘水亦出石罅蘋藻參差錦鱗唼泳西折為青蓮塘正注巖殿前趨金剛石下漚為星塘宋仁宗時僧懷璉見微波不生列宿光映頓然契悟因以名之其餘流可漑千畝卧龍之南石如橫榻其延與卧龍首尾相埒目

為天几几之西隅有碑堦高丈許碑署慶元五年山盡石骨不宜竹木惟卧龍之背陰崖樹植蒼翠可人中藏滴水巖雖不及珠簾瀑布而琴筑之音與松風答響亦尋幽者所心契也古巖寺建自唐之初年大曆中徑山蘊禪師結夏于此東西序五百餘人四方叅學者日至奉代宗手詔徵去詔與師遺像尚存寺中寺前里許為小巖道旁有小石浮圖故老言此地原寺之山門也當時規制弘麗

輝耀山谷可想而知今且鞠為茂草矣汪丹石溥有詩云巖藏大曆詔州沒建文鐘可識山靈故物馬下嶺由鎮而南行約一里餘入古巖道所必經峻屹蜿蜒頂平方十餘丈築亭中繪大士像祝釐者閱百餘年無虛日也稍南縮成小峽東折起岡二壘名梅花石為周塘坦頭寒山直下諸山少祖而左落即方湖嶺之北麓古為謝家村今兩烈婦墓在焉其右有石峯兀然巉巖特立曰蒼石突列坐

煮茗萬山如宮平疇若罪有奧如之趣石下倚巖為小刹名苾芻林其右舊有孝思菴里人程大約所建今則原田每每矣

震艮山自梅花岡左折遶方湖石之背而北于平原中起為大阜東距黃土墩西據銀臺坵中山方湖諸水滙其麓遊者平步而登不覺其高也綠縹麥畦黃鋪菜圃四山含翠萬戶炊煙目之所寓圖畫天然大塊文章不煩雕飾也

東山接潛虬而東亦平岡也為廟山迴龍之束結前明成弘之際園亭絕勝之處後為潘氏宗祠其間遺蹟尚有存者四十年而近盡易滄桑矣

蘭岡山亦曰南岡俗稱楊梅山在東山之東南接通衢北臨溪汧永豐竭水界其西文几山臺障其東為地脉所融結故卜甫窳者多兆焉

株山鳳山之陽平衍墳起昔人稱其峯迴水迎黃羅奔趨巖鎮之脉生氣復會于茲山云

豐樂溪出黃山雲門峯下雲門兩峯對峙溪水從其中流出盤旋石罅迂折而轉東南始會浮曹阮容諸溪入于豐樂猶僅濫觴迨汪溪潔溪衆水匯之而流始大又五里溪名龍擺螭蟠蛟舞現滅迴旋過篁溪琴溪四合于仙人臺又二里許有潭以狀元名謂近舒雅之居也飛鳧浴雪浮藻停雲潭影空人心澄然示人清虛之境東折而歷溪南越十里匯為澄潭潭又曰潄循蔭山而下清冷明瑟藻

符交縈味勝中冷沙石可數春夏之交山濤怒發  
則如潮如海不可方物因築逍遙堤以範之渟蓄  
于九潭在潛虬山麓游鱗泳川汀沙鷺立東流為  
富饒灘金波潏灩亦可以碎月名之至余翁橋之  
南每中秋月望則水中見雙月湧出故其澗題曰  
湧月崖云橋下有迴波盤旋而後下東南二十里  
合富資揚之布射四水滙于練江注漁梁

潁溪發源金竺由西北折至西南入茆田經叢睦之

前石澗中隨石級奔注積沫如雪振響成雷下成  
深潭渟泓齋淪涵黝澄綠世傳蛟龍之宅東流過  
獅山繞南山之麓北折經通濟橋出洪橋而入豐  
溪豐水碧潁水潁交滙之際如壁之合如犀之分  
故曰雙溪水色

西流水其大源出中山亭南支直趨羅田篁墩出南  
河北支分為二一經乳泉菴先春館復分二派左  
則逆流而西由梧桐街直達通濟橋與潁水會右



則由王二田出廟巷自東嶽廟之西潛流六逸祠下過廟山而始見西折出大埠頭歷潘氏祖塋前過碁盤街而上乃入豐溪一東折至大柏石下沿山而北方湖水會之至黃土墩西折而上北轉大塘坑又西折至廟山後舊會永豐塢而東今塢淤難濬遂界沙坦地之中而入豐溪鎮中之溝澗西流者衆此二源其大者也

七星泉在東嶽廟之前後左右七泉分布如斗杓之

狀前民取元武七宿之象于中星建宇面北位玉虛君子上餘六泉或在道旁或在民居之內莫不清芳甘冽凡水不見星日雨露者必腐茲泉覆神座下歷有年所而不改其度可不謂奇哉

九龍池在鎮西上新街內之右中為方池者九意昔人所濬以鎮丁峯者原為吳氏之居明嘉隆間有國醫人競稱曰池上公謂其能見隔垣如飲上池水矣有子克大其業廼築池上草堂

永豐場自蔭山北麓引豐水入場東注至洪橋則為  
潁水所界將挈之而復入豐溪矣迺設為木覘跨  
潁水上接引而過經大埠頭歷虬山趨南岡山之  
西南折過青雲橋下委曲而達傅谿今流雖淤闕  
而大勢尚存

建置

水口神臯塔豐樂溪之東障也青烏經言水口宜山  
川融結峙流不絕鳳山雖為門戶不能迴抱恐其

山走水直遂成騰漏建此塔以樹顏流砥柱所謂  
障空補缺不啻天造地設者也自址至巔共高二  
十五仞分為七級第一層胡泰榮同族人建二層  
桂聰建三層方富楨建四層鮑道相道達建五層  
汪通保建六層里人公建其七級合尖則吳慎齋  
寬也頂心之木高九丈許凡鐵器圍遶而上者稱  
是再加銅鑄鼓墩寶珠高九尺三寸七層及頂高  
百尺其下六層共約百尺而七級之簷上豐于下

是以高聳秀拔遠眎勻停無綢削尖瘦之狀實神  
工也一修于康熙戊申再修于康熙庚子

鳳山臺雁埕之南正踞鳳山之脊臺上為三榭中奉  
玉虛君鄭大叅佐題曰中天積翠其銅像原在白  
嶽玉霄峯下鑿石為宮範鐵成瓦一旦暴風摧折  
像正露坐適臺成迎奉之虛其兩翼為遊燕憇息  
之所臺下取虛能載實之意駕為三門藏其左右  
而通其中以為周道嗣因彤家者言有不利于某

所遂障其北而立漢壽像于中臺前週以短垣闢  
三徑其甲門題曰鳳山靈境潘中翰緯書臺之右  
有三元閣高與榭齊里人吳文淵建其前拾級而  
登築門觀曰升高胡泰榮建閣之右平原為后土  
祠祠之前里人程澤有小築潘之恒書其楹曰三  
摩地

逍遙堤亘豐溪之北上接孫公橋下抵余翁橋長二  
里許以由老僧覺悟願力所成又名覺公堤先是

溪北多五音塚春夏山水汎濫則行道盡淹而枯骨易致飄蕩明末老僧築小菴介坵壟之中目擊水患發弘願募築長堤以為障護里人感其意多資助者老僧勇猛精進功已垂成而中阻于兵燹順治壬辰吳進士雯清自釋褐旋里惜盛事之未就遂聯同志者于炎蒸之時躬督其植三月而功成一時好事者為亭為橋雜植花柳稱勝境焉

古蹟

富饒坊在今大塘坑之西以木為坊蓋鎮之舊地名也宋大中祥符二年八月知歙縣事楚丘李紘立直昭文館里人舒雅書爾時比屋而居者其數可紀坊以外即原野溪流清淺一望可見故亦以名其灘迨坊圯而不復富饒之稱在溪之北矣

巖鎮巡檢司宋立元因之洪武十二年裁去  
巖鎮稅課司宋紹興中設官榷酒龍鳳間改稅課局  
在今稅務巷內方身史居右明成化郡守周正奏

罷其址有井井與巷今仍以稅務名嘗見龍鳳三年屋契鈐印十三顆其文曰古歙巖鎮稅課司印申明亭在鎮西齋堂橋之左北向後臨潁溪明弘治庚申年改胡氏崇因齋堂所立攷古申明亭之制設三老以主之聽里黨之小治若周禮之合耦于鋤漢之街彈以簡彈一里之民鎮中設此以來名存而未踐其實今其宇雖在久為市廛徒供不知誰何之人取利耳可勝嘆息

司徒廟基在醉茶亭左正接孫進士坊外黃巢寇亂屯據鎮西即所謂黃巢寨也祁門鄭傳字國寶以義兵驅除鎮人得免驛騷立廟尸祝之唐乾符四年事也廟久無存今其地猶稱司徒廟云按鄭後于中和大順間屢建滅賊功官至淮南節度使兼御史大夫上柱國子五人延暉延辛延匡延紹延芳皆顯仕

元帥岳公生祠忠武以紹興元年提兵征楊么先令

開龍王山路廼夜從間道通向杲抵巖鎮爨食畢  
銜枚而過雞犬不驚居人佩其德尸祝之歲久而  
圮

心菴即岳公祠舊址在今唐家坦之左唐學士臯居  
與之鄰自以為號道中有橋道旁有泉皆以心菴  
名之

相忘亭在鎮之東山處士余化隆號東墅得曠壤二  
十餘畝繚以長垣易為藝圃因高增卑浚中為池

池廣二畝池中為石臺高二丈許作亭其上璽瓏  
四達周治疏檻駕石橋二洞以接兩岸雜植嘉樹  
竒卉修竹怪石去亭二十餘武築小山以資遐覽  
亭初未署名正德壬寅春常山徐燮伯生為詩社  
于此嘆曰樂我茲亭可以相忘矣遂以名亭越卒  
邠夏復為之記以詳其義

今為潘氏宗祠

余氏義宅一在潛蚪書院之左余育于明弘治間建  
一在潛蚪山澗之南松泉之上余文義于明嘉靖

間建皆以居族之貧者復有義田義塾以教養之  
程篁墩敏政朱鴈山諫范庭植槐黃月坡祺費鍾  
石案顧東橋璘呂涇野柵俱有序記  
藻蘋溪舍大埠頭之上潘氏祖塋之右太學生潘京  
南特建以祀其祖禰而時肄業其中

桂家亭在鳳山前應奎坊下

池上草堂嘉靖間國醫吳洋世原目痺醫洋務廣業  
名其家徧讀神農黃帝岐伯伊尹仲景之書中夜

不輟同業者多不能句洋獨成誦如流從諸博士  
學易以知陰陽從浙東凌氏學鍼砭以明經絡常  
山楊氏以治傷寒名祁門汪機主補中之術皆負  
笈遊其門得其精奧而貫通之是時族醫雷同習  
為滋補而善用參耆則自洋始難者蠶起及見其  
多竒中廼誠服之以其家九龍池上羣稱池上公  
謂非飲上池水烏能得此子橋世其業洋以竒勝  
橋務出什全久之聲名軼其上遊于楚襄王神其

技稱曰國手歸築堂池上王為顏其堂汪太函道  
昆有傳有記

古松一株高四十餘尺在逍遙堤北身圍二尋其頂  
虬結盤拏勁如屈鐵無幹不曲無枝不古冒堤而  
南垂髯下注有渴蜺飲泉神龍吸海之狀坐蔭其  
下如夏屋珠簾俯仰靈竒莫名其妙曾有畢宏韋  
偃之徒摩挲旬日不能寫也似是數百年物長堤  
藉以為天然之趣舊為董氏之樹築堤之初其家

將伐之夜見夢于老僧覺悟侵晨奔救幸斧斤未  
施隨募大雅之人輸資贖得歸諸文會先輩有迎  
松友入會之作咏歌成集康熙庚子秋溘然而枯  
不測所由亦遂不知所歸矣賞識者過此必憑弔  
之

呂湖在豐樂水之左居鎮東北隅東距場田西至朱  
方南據湖村北底厚羨周環十餘里自湖蜃見斃  
于吉陽灘而湖淤仍一水泓然長注如練傳聞宋



元之時尚可以通舟楫今則盡為沃壤村曰湖邨  
田曰湖田村中小山即昔之湖中山也

南山亭紫極宮之左山之半途亭旁古木一株高不  
過四仞身圍二丈許枝柯四出蔭二畝餘傳其影  
每于秋仲遠映于休邑西鄉方塘中相去幾百里  
其地之人歲祀之以為神

鎮澤亭里人潘膺祚建在長堤上菴之前左亭右小  
菴數椽為老僧覺悟焚修之所因後有芥庵故名

此為上菴方黃門慕菴士亮題曰谿聲灑施亭于  
康熙丙子大水衝塌庵亦漸就頽廢雍正丙午歸  
於文會不六七季片瓦無存矣

鞠水亭前輩王君鹵懷自超六十壽集諸門人上壽  
之資構此亭原名西瑞金陵何太史采取南陽菊  
水之義更名之王祠部泰徵有記康熙戊戌六月  
大水蕩去

宛在亭里人方紹堯建雍正丙午春其會孫行因已

朽壞不能脩緝遂撤去

定舫康熙辛丑年三月闔鎮張燈極盛有岳王會建此以代燈棚倉卒而成未必久遠然長堤諸亭盡廢此為魯靈光矣

撫窠亭順治壬辰堤成之時所建在古松之左俾遊人得少留憩盤桓俯仰以盡其致據長堤之勝會也康熙戊戌六月廿六日溪水暴漲高躍于簷遂浮之而傾

德風亭余翁橋之北康熙八年己酉余君文焯重修石梁工畢建此以落其成翬飛跂翼雕甍流霞山色水聲何殊天繪

永思亭在鎮北龍頭上游其地原為洪氏故居萬曆卅六年水災洪象先負其父避于高岡母劉自坐所置棺中隨波而逝象先釋父奔救無及泣血徒步追尋三載不獲掃除故址築亭于其前進士凌世韶為題曰永思誌不忘也康熙丙子年復大水

亭又漂沒其孫濤毅有志重興焉

妙峯亭在古巖上高出殿閣之表南接黃羅西望齊雲東顧問政北眺黃山群峰羅列若挹于雲霞之外故曰妙峯

友陶書院宋省元汪維嶽嶼之所築也在潁溪之上潁水西北源出金竺黃澄塘西南發海陽劉家山濫觴于叢睦以入豐樂溪溪浸深廣諸峰攢立丹崖翠壁喬木菁蔥汪迺于此栖焉袁中郎有詩云

門中看石壁水底見山花李本寧詩云溪流宛轉樹蒼蒼選勝園亭足徜徉汪熙禎詩云尋源如入越愛地不因秦汪太函有潁上社記

姚承菴名舜牧浙餘姚人曾授徒于鎮之南山道舍著五經疑問諸書萬曆中門人駱公駿曾巡方至郡伐石勒碑樹于白雲道院題曰姚承菴先生著五經疑問處

崇因堂俗名齋堂也唐會昌元年僧契達奉勅建造

古巖寺于廿四都因建此為僧徒往來憇息之所  
經宋元兵燹胡君元進于元至大四年重建明成  
化丙午復遭回祿弘治壬子胡氏復新之召僧住  
持朝夕課誦至弘治庚申隣宦惡鐘磬之聲適與  
郡守年誼以計改為申明亭

勸讓亭原在孫公橋南之東先是弘治丙辰年里人  
孫仕銓捐資造橋因南岸水激于西向砌塚射水  
東首砌塋護橋上立神祠歷八十年祠被火災孫

重修築同里潘姓與孫爭地以致訐訟萬曆七年  
縣令李公瑄勘明令孫修砌牌仰十九都合鎮里  
排公築一臺建一官亭大書勸讓亭三字以保橋  
梁以息爭訟年久傾圮 亭塋有石刻弘治丙辰  
年義官孫仕銓喜捨石橋壹道獨力完成萬曆甲  
戌年塚崩呈蒙縣主李公斷明已卯年九月孫男  
鎡鐔等搥甕重修立 此石現存

鄭氏義宅在鄭家埠頭上宗祠之左嘉靖十年鄭貴

孫建至今族之貧者仍庇焉

### 橋梁

仁濟橋跨潁溪之上架木爲杠而礮之以石俗稱蔡家橋明正德間里人汪恂建汪有義宅在溪之南許以居族之貧者並建此橋以利行人橋之北有蔡家山橋之南有蔡家村故橋以名亦可見汪君之不自炫而無德色矣

得濟橋鎮西申明亭之右亦跨潁溪之上俗呼爲齋

堂橋以申明亭原爲胡姓之齋堂也明正德改元里人汪世昂妻胡氏建胡早年守志養舅姑撫孤姪純孝弘慈晚年捐所有建此橋並甃石路同里閔處士良爲紀其石

通濟橋在鎮之中舊名市心橋鎮之東西爲潁水所界初架木以通行旅世傳其下有無支祈之屬水勢汎漲輒能爲崇明成化十年郡守周公正敦勸里人之有願力者易之以石鄉耆汪用本倡首成

之歎學司訓袁公誠為之紀年久石泐有歌陷之  
懼汪後裔象明妻程氏出奩篋所儲命子宏任宏  
仕新之堅緻停勻較勝于昔吳中翰菘記之先是  
袁司訓之文勒諸橋欄之外今竟成沒字碑矣訪  
諸其家亦無副本惜哉

洪橋在鎮北後街與通濟並駕潁水之上一名洪福  
橋潁水經此即入豐溪所謂雙溪水色也鄭大參  
佐家于橋之西故號雙谿明成化間里人鄭彥榮

攻石立塚亘以大木長五丈三尺上為屋五楹兩  
岸為石級以登並砌路四十餘丈至康熙庚子年  
燬于火乃仍其塚架木以濟雍正十年壬子族孫  
為翰重建一如其舊

孫公橋駕豐溪之上以通南北先是自蔭山而下至  
此列為三渡編筏以濟時有滅頂之凶以木為杠  
凡遇洪濤輒壞弘治丙辰里人孫仕銓易之以石  
立水門者九每洞用楠木六章架石塚之上上覆

以石構屋四十八楹面西列為賈區百貨具集輿馬負戴往來如織西邊置大木為坐具憇行人而環之以木柵用防傾失其計慮詳密如此行人德之羣稱曰孫公橋祁門李思恩太守汎為之記康熙丙子大水衝擊遂致損壞其後嗣名昱者竭力補救之迨至癸巳為遺火赫毀昱仍傾囊修緝戊戌六月復大水石堦俱崩瀉不能復振民之病涉者五六年紳士耆舊僉謂昔其賢程先生以好義

世其家子若孫宜善述也群以告諸中翰佶別駕僚尚書郎子瑜謙讓未遑堅請而後任之同心協力撤舊圖新更木梁為石甕週以迴欄于雍正元年癸卯鳩工慮始審勢度材凡一石之崇廣方網堅緻勻停諸君親督其植不遲歲月之久不靳寒暑之勞歷歲辛亥告成橋之南首築亭架閣以落之亭左翼為溪檻三楹右翼于勸讓亭之故基立土神之祠宇長虹卧波望之水懸履之膠固千百

年之業也程氏諸君經營九載為錢千萬餘事皆新造而猶仍舊名易曰勞而不伐有功而不德厚之至也

余翁橋在文几山之側北抵逍遙堤凡為洞者七長四十餘丈高四十尺每洞距橋根四十尺週以石欄兩端雙植華表高聳秀逸為溪流之關鍵束合鎮之門戶明嘉靖丙申年里人余文義建閱三年而成少宗伯涇野呂公栴題橋大學士石麓李公

春芳為記初橋心起榭七間下為亭以供遊憩上為樓以位神祇遠以遊廊可資遠眺未幾被縱火所焚原其情遂不復立橋因水門過寬力難為任易于傾瀉萬曆初曾孫湛力加脩治太史澹園焦公紘有記康熙之初崩斷其中勢甚危急族孫文焯于康熙丙午重建戊申告成儀制蘆人王公泰徵紀其事康熙己丑北首二洞又崩族孫應試應策協力重新壬辰工畢石工不良于選材塚跟片



石中折未至五稔而復潰至丁酉戊戌族之賢而有力者共成之疇昔之日大司成鱗潭吳公苑有言曰登斯橋也水木明瑟魚鳥依人梵聲鈴鐸時出林杪最為幽逸之境取諸芳風藻川之意正可以况斯橋也

青雲橋當鎮東之孔道里人汪伯賢建永豐場經其下原有小石梁過于窪下而橋踞其上與兩岸平周道如砥構亭以覆之肇建于永樂六年至正德

十三年族孫勤重脩嘗有鬻餅湯茗者列其中以便行旅初名新剛郡守馮公世雍過此更其名曰青雲康熙丙子亭不戒于火而橋亦損康熙庚辰勤之後裔以元捐資重建元貞加以石闌堅固精密可期永久

心菴橋狀元第前僅丈餘當孔道與心菴同時建元宗橋塔旁湧月崖之左舊為里人余瀾建年久傾圮康熙己巳年余兆鶴重造

攬勝橋聯逍遙堤之中小澗之上順治壬辰里人潘

于止程叔武余元昭同建吳進士雯清記

遺愛祠祀三太守

幸菴先生彭公

諱澤 陝西蘭州官籍湖廣長沙縣人

榕溪先生何公

諱歆 廣東博羅縣人

石崖先生熊公

諱英 福建莆田縣人

名宦祠祀鄉先生

朝奉大夫屯田員外郎閔公

諱惟慶

通奉大夫華文閣學士呂公

諱午

杭州路儒學教授方公

諱元善

徵仕郎蘄州判官王公

諱彥榮

奉訓大夫河東都轉運鹽使司副使余公

諱士美

朝奉郎南安軍通判閔公

諱師文

朝散大夫都宮郎中閔公

諱從周

朝議大夫全州府知府呂公

諱沆

將仕郎漳浦縣主簿閔公

諱道政

文林郎威遠縣知縣吳公諱慶

文林郎南京山東道監察御史吳公諱真

登仕郎禮部司務方公諱佐

將仕郎宜春縣主簿郝公諱亨

遂平縣儒學訓導汪公諱仁

觀禮部尚書政進士汪公諱侃

承德郎大理寺寺正孫公諱忠顯

逸民祠

友石先生潘公諱洋發

靜專先生方公諱秋宇

鈍齋先生余公諱修

一舫先生王公諱瑗

拙菴先生唐公諱子彰

復齋先生趙公諱德相

義士祠

松筠先生汪公諱祺生

溪雲先生汪公諱仕和

南山先生方公諱仕和

毅齋先生孫公諱仕銓

果齋先生方公諱倫

以上四祠明正德十四年以前建

建各祠府示帖文縣示帖同

直隸徽州府為崇先哲以開來學事據歙縣十九都巖鎮耆民汪元華王璋閔昂呂祐等連名呈前事嘗

謂人才之生關乎氣運然而後學之啟本乎前人故

國家崇德尚賢雖有祀典而鄉邦企德景行可無鄉

祀切照巖鎮新安名鄉土沃民稠地靈人傑居廬甲

于他境賢俊冠于殊方粵自前代暨我國朝世遠言

湮者文獻無足取證名傳行著者勲業舉可名言觀

諸屯田員外閔惟慶都官郎中閔從周崇文閣學士

呂午金州知府呂沆杭州路儒學教諭方元善監察

御史吳真禮部司務方佐宜春縣主簿郝亨進士汪

侃大理寺正孫忠顯等可見矣夫諸賢之出也或以文學顯或以道德名或以政教舉或以賢俊稱簡冊昭存人文宣布邇南京戶部員外郎汪淵刑部員外郎王寵生員方經方綸等慨往哲前修之善興高山仰止之思議立賢祠以開來學集會同志計處多方乃于東嶽道院之西度地構材焚磚伐石建祠肖像春祠秋嘗因思宋元以來懷才抱德隱居弗耀之賢重義輕財樂善好施之士濟人之事業昭昭在目奕

世之詩文耿耿不磨乃于宦祠左右復立逸義二祠以罄一鄉之善即古人鄉先生沒祭于社之遺意也及有治郡保民功德顯著列侯孝廉惠愛之聲洋洋盈耳止菑息患之績烈烈在人謹于祠左東面起建遺愛生祠春秋報祀亦古人能禦大菑能捍大患祀之之意也其崇徃開來之意何如哉鄉賢有力之家各輸田租給供祠祀共成一鄉之勝以垂百代之規所以有祠像碑文祭器祭田等項必須主守得人庶

無廢弛非奉明文帖委孰可遵行為此今將立祠緣由守祠事理開坐具呈伏乞體朝廷崇德尚賢之心成後學景行先哲之志帖委本院住持道士程玄璋等常川視守收掌田租洒掃焚香春秋備祭仍希出給備云告示禁止閑人不得到祠褻狎損污等因據此合就行給告示前去仰住持道士程玄璋等常川張掛曉諭閑雜人等不許到祠褻狎損污如有此等許本院指名拿送赴官究治毋違須至告示者正德

十年十月十九日給

直隸徽州府為崇先哲以開來學事據歙縣十九都巖鎮耆民汪元華王璋閔昂呂祐等連名呈前事備由等因據此擬合就行為此今給仰東嶽道院住持道士程玄璋等務凜守清規常川看守賢祠焚香洒掃潔淨收掌田租及時致祭毋許損污不許閑雜人等到祠褻狎穢污毋違須至帖者右帖給付東嶽道院住持道士程玄璋等收執准此正德十年十月十

無廢弛非奉明文帖委孰可遵行為此今將立祠緣由守祠事理開坐具呈伏乞體朝廷崇德尚賢之心成後學景行先哲之志帖委本院住持道士程玄璋等常川視守收掌田租洒掃焚香春秋備祭仍希出給備云告示禁止閑人不得到祠褻狎損污等因據此合就行給告示前去仰住持道士程玄璋等常川張掛曉諭閑雜人等不許到祠褻狎損污如有此等許本院指名拿送赴官究治毋違須至告示者正德

十年十月十九日給

直隸徽州府為崇先哲以開來學事據歙縣十九都巖鎮耆民汪元華王璋閔昂呂祐等連名呈前事備由等因據此擬合就行為此今給仰東嶽道院住持道士程玄璋等務凜守清規常川看守賢祠焚香洒掃潔淨收掌田租及時致祭毋許損污不許閑雜人等到祠褻狎穢污毋違須至帖者右帖給付東嶽道院住持道士程玄璋等收執准此正德十年十月十

九日典吏程悌

遺愛祠儀注條約引

違城西一舍許名巖鎮水遶山環地靈人傑聚廬托處于其間者多崇詩書重禮義務廉恥敦孝弟方寸之間是非之鑑湛如也故郡牧之守徽者公私美惡邪正得失纖悉畢照其有功德列侯方其來也人皆事之及其久也人皆仰之比其往也人皆思之思之不置從而歌詠之歌詠之不置從而祠祀之此遺愛

之祠所由設而列侯之功德所由彰也祠建東嶽道院之西構材為屋伐石為座刻木為像歲時有祭品物有則陳設有式禮行有儀祀幸菴彭侯以其孝廉惠愛之德也祀榕溪何侯以其禦災息患之功也祀石崖熊侯以其捍患保障之功也列侯之鉅勲碩德難以悉數茲各舉其一事蓋以祀典所載匪此族者弗與也嗣是而後來守徽者觀侯之祠瞻侯之像企侯之德仰侯之政靡不渙發興起以求無愧于列侯



則今日之祠不獨可白在下者追思報祀之誠將以  
啟在位企德景行之心也諸公營祠之意何其博哉  
彭侯諱澤字濟物別號幸庵陝西金城人由庚戌進  
士歷官刑曹正郎遷郡牧轉浙江按察副使屢陞太  
子太保都察院左都御史東征西討所向悉平正位  
中丞權奸斂跡何侯諱歆字子敬別號榕溪廣東博  
羅人由癸丑進士歷官南京江西道監察御史遷郡  
牧陞山西布政司左叅政受命之官抱恙中止熊侯

諱桂字世芳別號石厓江西豐城人由己未進士歷  
官大理寺正遷郡牧陞山東布政司左叅政吏畏民  
懷所至未已列侯由徽而起陟崇階柄國政愛遺天  
下澤被後世朝廷報祀之典將又有大于今日豈惟  
一鄉一邑一郡之人思之祀之而已哉予無似偶居  
建祠諸公殿目擊其事心喜其公謹述民之所以思  
侯之情祀侯之意啟後之心附列儀注條約使得于  
觀感者咸知列侯之功之德之盛起敬起慕詩詠無

窮是祠將可與媿州桐鄉狄公朱公之祠齊稱而媿  
美矣若夫紀列侯之善政記祠宇之事功則有名公  
鉅筆也奚容喙正德丙子季冬朔旦巖鎮後學緝菴  
方綸拜手書

各祠春秋二祭

行禮通贊鳴引俱照家禮常儀

陳設式

菁菹 棗 豕

爵 豕醢 丑脯 燭

神座前 爵 黍飯 鉶鹽 香

爵 羊醢 魚脯 燭

芹菹 栗 羊

造脯醢鹽飯菹菜法

黍米煮熟用中樣杯盛印豆內曰黍飯

猪心肝肺洗淨切成片加鹽醬椒粉和勻曰豕醢

羊醢如之 已供羊豕而復設此二者以三代時有祭肝肺心首之說故也

菁菜洗淨切碎加鹽醃熟曰菁菹

芹菹如之

白鹽用中樣酒盞盛印豆內曰釧鹽

鮮魚去腮腸破開切小片加鹽醬椒粉和勻煎熟焙

乾曰魚脯

丑肉去筋膜製如前曰丑脯

遺愛祠祝文

仰維諸公受命分符職守茲土政善民安德懋功溥

孝廉惠愛浹于人心禦災捍患澤被生靈維茲仲秋  
謹以剛鬣柔毛粢盛庶品用伸報祀尚亨

名宦祠祝文

仰維諸公道宗孔孟志在伊周言行足法政教交修  
偉績豐功建立內外一鄉人賢多方永賴維茲  
用伸奠獻尚亨

逸民祠祝文

仰維諸公宅心遯世勵志窮經文存矩範詩寓勸懲

不事王侯高尚介節當世宿儒一方人傑維茲同前

義士祠祝文

仰維諸公心存利物志在濟人興梁喜建周道孔平  
無復馮河息爭險易義重當時功延後世維茲同前

諸祠之湮墜也久矣方補齋司徒當嘉隆之時已  
謂劫火焚燒不知災于何代迄今又閱百七十餘  
年豈復有知其興廢者乎雖故老亦惟見有六逸  
一祠耳華瑞于敕麓中得嘉靖十八年里門先達

經界廟山道士墳地圖載有遺愛等祠基址名目  
廣詢老成旁蒐逸簡無從證據偶見片楮上書逸  
士名宦數字急求其原于紙扎之肆擗搯之餘幸  
存數幅列諸祠所祀之人及創建所由以至祝辭  
菹醢之屬甚悉乃得據之以為攷訂之資焉然于  
尸祝諸公僅存其爵號而不注其名字事實搜討  
傳誌並質諸各族後賢幾歷一年仍多不能詳備  
者嗚呼博聞嗜古之難其人卽繼序思不忘者亦

不多得也夫殘編斷簡古人所珍而不知者草莽棄之殊可惜也諺不云乎故紙可供藥石而况文獻之所由徵歟今所幸存之數幅正德十年緝菴方先生綸所手書原籍有八大冊盡為市人毀去其所紀載有關先民之澤可資傳述者不知凡幾而貿貿之徒禍同秦燬豈不哀哉華瑞敬哀其可稽之實錄而存之復古好義之君子或有取焉後學余華瑞謹識

本里尸祝三大夫

有紀事附奏疏

巡按直隸監察御史楊公諱春茂

寧國府推官鄧公諱啟隆

歙縣知縣事倪公諱元珙

本里鄉賢祠 有紀事

雙溪先生鄭公諱佐

梅莊先生余公諱文義

慎齋先生吳公諱寬

元昭先生余公諱文焯

祠之所裡祀者以其功在鄉黨也建于嘉靖以後故紀近而未紀遠耳正德以前義士有特祠矣祠荒祀廢爾時未追及也如孫公仕銓非首建與梁者乎二方二汪四君當日必有宜俎豆者伏願諸先生核實補祀不泯前修益彰公道所以鼓舞後賢也後學余華瑞謹告

尸祝三大夫紀事

巖鎮奚為而祀三大夫也明天啟間權璫柄國凡欲齟齬人者多藉其叢歛西溪南吳養春世雄一鄉逆僕吳榮作奸犯科業置重典旋倖脫網影附權璫之門養春有族人與仇者陰嗾吳榮發萬曆時欺隱黃山舊案權臣借名助工特差工部營膳司主事呂下問以天啟六年十二月領專勅駐歛查追黃山山場木植銀叁拾餘萬兩外有贓銀陸拾餘萬兩撫按行

府縣追解呂下問刑苛網密株連蔓延吳之族黨親  
隣無不罹其凶毒者坐勒土商吳獻吉山價銀壹萬  
兩獻吉逃匿其家屬供有至親監生潘謨家巖鎮呂  
即命差快黃文拘催時潘謨肄業南雍黃文所帶白  
捕巴社良程觀貴習知鄰室潘家彥富厚狐假部差  
之威思蠶食之適家彥遠出未回室盡婦人外戶已  
閉矣兩白捕劈門突入婦人驚喊隣里衆憤不平叢  
聚救護兩白捕各持利刃自門內跳躍而出當門有

青石方丈兩白捕急走而滑皆仆于地羣怒就地爭  
擊之死即燬其屍此一變也時天啟七年二月之晦  
其地則東嶽廟之右也鄉城之人無不切齒部差者  
乘機而起大書殺部安民四字徧布通衢知歙縣事  
倪公元珙由天啟壬戌進士起家祁門令調繁來歙  
深察民隱多所調護忽遭此變于三月初一日揭衢  
中之字入見呂告以輿情可憫衆怒難犯宜思善策  
以弭變呂副復弗納初更時蠻擁而至察院者不下

萬人毀門而入藝其宮呂下問倉皇破後壁宵遁其妻女及家人二十二口由短垣踰避同知署內遠近惶惑勢不可測初二日黎明倪令馳至巖鎮逐戶撫諭人心始安巡按直隸監察御史楊公春茂于初五日以造冊復命臨徽親炙其事倪令敷陳激變之由條析民情之苦故巡按一本爲白後生事愚民鼓譟隨即解散據實報聞事又一本爲部臣離徽民安職謹撫實奏聞無煩聖慮仰祈聖明矜宥事得旨呂下

問激變地方不稱任使着回籍然鼓衆辱官刁風亦何可長該撫按勘明生事緣由量懲首禍具奏而居民得以脫然于罪罟之外矣于是里人尸祝楊公而寧國府推官鄧公啟隆時隨巡按入境亦有調護之力因並祀焉倪令君以保民之故爲權奸所斥遂罷官崇貞改元權璫顯戮特起倪公爲廣西道御史甫入臺一本爲聖恩屢沛民困未蘇懇勅按實豁給以起塗炭并肅法誅逆事詳言黃山大案之禍白役凌



逼之免請給輸價于納戶還餘業于養春求免鼓譟之處分至于呂下問激變之罪許志吉究追之贓不當任其狡卸延遲逆僕吳榮宜速加律誅以正主僕之分以伸人鬼之冤俱奉旨施行是倪公始終眷念吾鄉生全之恩不一而足况當日之委曲擔當備歷險阻不惜其身以甦民命非宜俎豆萬年者哉

先年事變甫定之時倪公旋以罷官去里人唯設揚鄧二公長生牌位供東嶽廟神座嗣因改造神

殿將主權置鄉賢祠內後人未加攷定至今不改倪公懷保之德幸先輩有筆之于書者彰彰可攷豈僅鄧司李之比哉闕而弗祀失報功之旨矣詢謀僉同尸祝惟允愚更願有請者三大夫不當雜廁鄉先賢之列宜另設俎豆之區始能妥右之也祈諸君子酌之後學余華瑞纂記

白役激變一案按院奏疏

巡按南直隸監察御史楊春茂一本為白役生事愚

民鼓譟隨即解散據實報聞事據徽州府呈前事呈稱職于天啟七年二月二十七日到任二十九日行香謁廟遵奉憲約隨于三十日謁見院道至二月初三日回至新館舖據歙縣知縣倪元珙申前事申稱天啟六年十二月初十日奉督理黃山工部營膳清吏司主事呂下問案臨到府督理黃山本縣親隨查勘部示勸召附近居民承買山木行據十六都一二五畝約里吳守任等公報土商殷實吳址吳場程覺

我等本部派定畝數分別上中二號着令具認承買照限親比內有土商吳獻吉該山價銀一萬兩逃躲違限據伊家屬吳有德報出血親潘謨住巖鎮地方本部隨于二月三十日差快黃文前往拘催不意黃文輒帶白捕巴社良程觀貴拘票內無名潘家彥緣家彥不在家白役夤夜劈門打入致婦女驚喊地方衆憤不平羣聚叢歐巴社良程觀貴登時身死衆人竟將二犯屍燬無存仍豎旂上書逐部安民四字當

有十九都四畝里長方祿等報聞府縣即出示曉諭本部牌委縣丞喬點千戶程大器前往安撫去後至初一日人心終是皇亂惡棍乘機鼓噪黃昏時分竟將本部公署柵欄行李等項打燬本部隨携家眷居本府李同知衙內卑職即同李同知竭力安慰人衆至三更方散初二日卑職即馳至巖鎮逐戶撫諭衆心始息而本部于本日已潛往績溪縣駐劄事干地方不法擬合申報等情據此隨該本府知府石萬程

看得黃山一節已經本部區畫停妥立限親比豈期差役作弊致起釁端因而無籍惡徒乘機鼓煽借非府縣多方安慰事將有不可知者事干地方除一面再行曉諭安輯外理合呈稟等因呈詳到職據此比因職移駐該府造冊復命並查追吳養春贓銀多寡起解適逢其事隨即出示曉諭安撫外該職謹會同巡撫應天右僉都御史李 看得職奉屢旨嚴追吳養春贓銀六十萬兩唇焦頰禿僅僅追及四萬三千

兩在庫即日可得起解外惟是黃山變價三十萬兩部臣分派人戶承買亦已追及四萬二千餘矣不虞買山之民即係買產之民而民既苦于買產價又苦于納木價緣是買者多逃部臣拘拏親戚比較亦其必然之勢也無奈差役黃文攜帶白役巴程二人票拘監生潘謨溷入票內無名潘家彥家破門驚亂婦女以致地方激變監旗曰逐部安民四字打死白役竟焚其屍環閩部門盡燬其囊幸而部臣于倉卒中

携揭妻女等踰墻逃躲無恙又幸而地方等官解散多方得力職亦隨于兩日後偶以造冊復命親臨其地出示曉諭各各帖然安堵如故當時洶湧光景亦幾無天日此一變也在部臣不無過于急在百姓不無敢于謹在地方官不無難于局職所得于目擊者最的但部臣已無顏立于民上不得不還朝而山價部派已定即着令地方官照派督徵為便至于亂民或止于首惡之治倘寬以法外之施惟我皇上電照

而寔斷之耳抑職因是而不無冒死之一言向馬門  
戶濁亂此日世界清明夫濁亂者豈難于芟除而清  
明者不易于保護保護謂何只在審極重之勢無激  
之而已職思遼陽之變從前之撫道貪而激之也重  
慶之變徵兵之天使虐而激之也今日徽民之亂未  
始非窘激之而然我皇上天縱中興厥臣又心心為  
國事事節省豈非唐虞中天之一時耶奈何近日忠  
告之道似微浸淫至于借而生激激而生亂職恐積

怨深怒不在顯然之尺鹵而在隱然之潢池可慮也  
徽民鼓噪雖一時暫息而人心洶洶尚不可測部臣  
踉蹌所不可忍言皇上將安民之是急乎抑追贓之  
為急乎將三十萬之山價為重乎抑祖宗數百年之  
土宇為重乎興言及此職已心膽墮地如職之激揚  
無術致令地方生事即逮之繫之虔之刈之又何辭  
焉職一念狗馬之忱敢自盡其忠告者止此伏乞垂  
察職愚幸甚天下幸甚不但徽州一郡可得蒙安席

故而已奉

旨已有旨了厥臣心心為國事事為民說的是黃山一案撫按地方官協同調劑無縱無激務使國法必伸民情不擾庶為善成厥臣之美該部知道

工部營膳清吏司主事呂下問一本為愚臣督催木價變出意外事奉

旨黃山一案追出侵欺給業平民若使山與價準不強人以價之不平價與力準不抑人以力之不堪承

買之產又與畝準不苛人以畝之不載委曲開譬多方調濟地方人情兩求協當人必樂從確難額徵方令據實奏聞有何難事呂下問不能禁戢差役株連無干致激地方之變不稱任使着回籍該撫按勘明生事緣由量懲首禍具奏黃山事理歸併許志吉撫按官行該府縣官亦宜併協心力共急公家再有推諉旁觀指名叅處地方人等亦宜共曉朝廷追究大逆無波累無辜之意靜聽有司官設法區處自愛

身家無聽奸黠疑煽以身觸法該部知道

黃山大案奏疏

廣西道御史倪元珙一本為聖恩屢沛民困未蘇懇  
勅按實豁給以起塗炭并肅法誅逆事職以先帝首  
科進士筮仕和門旋調歙煩值吳養春黃山一案職  
與百姓日供奸倖之刀俎今邀聖恩拔職西臺若不  
力為百姓請命是重負陛下也即百姓困苦情形諸  
臣請蠲屢賜採納而職以局中人談局中事更悉其

詳逆僕吳榮係養春胞弟養澤所自幼撫養澤死而  
吞主財丞主妾業置大辟旋倖脫網竟入權璫之門  
首發養春欺隱黃山舊案緣養春有黃山二千四百  
畝兄弟構訟當皇祖神宗朝舊臺輅駸曾有一半入  
官之題卒留中不下者聖祖藏富于民不欲浚民以  
開言利之端耳乃權臣借名助工希圖例爵遂請逮  
養春父子併方中凡等其奉檄緹騎即前被叅之王  
蒞民也一村落間欽犯八名立刻就縛百姓震驚幾

釀不測職百方慰諭無漏無譁始脫于緹騎之毒手  
今蒙恩宥歸僅吳用譽吳逢元吳邦宰三人餘俱斃  
獄矣人命草菅誰速其亡榮罪豈勝抵哉權璫懸坐  
其應賣之木價三十餘萬差工部主事呂下問追解  
夫歛邑額賦僅四萬有奇尚有拖欠一旦以九十餘  
萬無藝之徵刻期追取雖朝夕歛比必不能應而其  
禍始延及于淮陽天津祥符德興仁錢等縣蓋吳養  
春之祖吳守禮雄貲兩淮春父派分五支業已耗于

前矣聞就逮時賣數萬金隨王蒞民至田爾耕家張  
筵劇談意以續命之膏望生全之路不料貲盡而命  
亦盡人亾而家愈破職拘追其子吳繼階繼節僅得  
五六千金餘義助于親友查其房屋鹽價典本不能  
盈六十萬之數而兩子婦號于囹圄其妻汪氏捐生  
于投繯職惟心憐之力不能弭此滔天之禍自初差  
呂工部帶家眷三十餘口沿途驛騷至于買產買木  
搜通邑殷實之戶而毒刑之且三十萬之外又增二



萬餘兩民力愈不能堪職雖以情訴彼且稱題衆請  
廠衛內臣以追之百姓一聞廠衛二字恐遭續投之  
網竊搖而莫措迨至縱放白役逼辱嫠婦而衆怒一  
逞僅挈僕妾以遁焚棄勅書而不顧職拚身無救始  
散揭竿之衆已備于撫按之公疏彼反以挑禍誣職  
幸先帝立破其奸今復以詞臣吳孔嘉相訐而津津  
于魏良卿之名帖往來寧府之督造其尚思死灰之  
復然乎則歎民之挺而走險者誰作之孽尚欲宥一

人以陷衆人耶恐部議者必無此法繼差許志吉以  
土官自豪派買木價增減不均其子許鳴皋其僕子  
林子章納賄作奸志吉猶稱曰尚公有令並許顯純  
孫天霍有催札以恐之百姓一聞鎮撫姓名慮為再  
投之阱驚竄而歸迨彈章四起業奉旨沒追而次子  
與豪僕俱攜貲先遁僅以隻身赴官尚處之客館尚  
信其仇扳之口而前之魑腹旣飽後之株連漸開不  
幾惜一人以累衆人耶料司讞者亦無此法總二犯

為權璫用亦為吳榮用榮已奉法司重擬之旨乃任其狡脫而不為擒緝則蔑倫毀紀先自法司始矣如山價之三十二萬餘兩何以償衆乎宜以前派買之山畝準輸價之多寡而給其半于納戶還其餘于養春俱額起科不許重行僉派庶價不落空而誅求免攘奪亦免也贓銀六十餘萬兩亦節奉聖旨豁免以蕪株連而前解過五萬七千餘兩何以償衆乎亦宜以前之派買田產照輸價之多寡而應得給各戶應

留者遂養春庶業有定授而波累免紛爭亦免也此皆勅守土官逐項查酌而已至鼓噪一案量懲首惡雖法凜三尺猶冀網開一面而呂下問激變之罪毋容借忤璫以自文許志吉究追之贓毋得延歲月以滋累吳榮宜勅法司與本籍嚴行擒獲速加律誅以正主僕之分以伸人鬼之冤而養春二子猶在罪人不孥之例如是黃山蔓延之禍盡數斬斷東南半壁留都重地始奠安而壞矣若職之備遭魚肉竭盡調

停止為皇上保此黔黎何他顧之有但昔日一力擔當之臺臣楊春茂何得以李夔龍之阻抑尚滯林棲苦心共事之知府石萬程何得以李魯生之誣叅久羈環召伏乞皇上速賜擢用實除虐安民之餘恩矣奉

旨黃山被累已極這納戶吳養春家作何安輯俱如議吳榮罪在罔赦其餘應追究應降處及起用的着部院分別具奏該部知道

里祀鄉賢紀事

雙溪鄭先生佐以江右大叅致政家居盡息公府之交殫心鄉閭之事凡有裨益里門者靡不籌畫詳密巖鎮當嘉靖之時甲族蟬聯人文鵲起風會之極隆也形家者言鳳山外翔豐水東注于法有反跳之勢則宣泄之易而關鍵之難雖嘉祥偶集懼非孔固之基也先生廼謀之耆舊經營圖度倡諸有力者大興築削藉人工而回地利因羣情之所樂誘掖獎勸人

皆鼓舞先登不科而資聚不強而力勤先生躬巡其植弗辭風雨寒暑之勞肇基于嘉靖丙申閱十年乙巳而臺埽橋梁俱已備舉秀拔完密利濟萬家功垂百世雖集腋成裘而天衣無縫則惟挈領者之為功也

梅莊余先生文義家素貧弱冠行賈誠篤不欺人亦不疑人欺徃徃信人之誑而利反三倍中年積著累數千金居鄉以長厚聞嘉靖丙申鄭大叅謂豐溪之

水逝者如斯無能東障謀駕長虹以為砥柱推先生長者請開其先先生欣然以為己任無煩將伯之助雖傾家成之弗靳也爾時業在中州命長子訓接運以濟郵至中途為盜所劫其渠魁知為余義士造橋之資令人護之渡河閱三年戊戌南宮之試里中獲雋者三人羣以為迴瀾之力也其為利寧不普哉是秋九月告成涇野呂司成枏題之曰余翁橋石麓李學士春芳為之記

慎齋吳先生寬為人古質渾雅自祖父以積善世其家初議建臺以固水口先生首輸資為之倡率及建塔以為文峰下六級既諸巨室分任之矣其第七級並合尖無敢任者鄭大參與者碩籌之僉曰此非吳先生不可遂相率以請先生不欲居其名謙讓未遑敦迫再四迺幡然任之時先生子喪孫幼或沮以善事不可獨為恐犯造物所忌先生弗顧也遣人走四方規撫塔式覓良材求大匠殫精竭力其費不貲詳

本家塔誌未卒業先生適有末疾其孫鑿方舞勺能黽勉以成其志可謂世德作求矣夫為人之所不肯為而鄉閭終食其福豈非人傑也哉

元昭余先生文焯生平質直無回曲先業僅有居廬自食其力壯遊江淮家稍振既而為蹇使者所知倚以為重益韜晦敦樸不改其度取與嚴于一介雖擅盛名而所贏不成中賈梅莊公所建石橋百四十年而近頽然中斷無能薪續者置畧約以通行人歷數

年矣先生歸自邗江慨然興曰是烏可使先哲之澤  
淪亾而涉者有濡首之歎也量材度工自計其家僅  
足以濟于康熙丙午鳩工集事閱三載而始畢是時  
百物價值較嘉靖之間不啻倍之故其為力與梅莊  
公埒而猶過焉橋成而家竭矣王祠部泰徵紀其事  
謂雖踵事何異荒高誠哉是言也

論曰世之侈談施濟者幾欲澤被天下矣迨試諸實  
事則鄙吝之萌有莫知其然而然者若四先生精神

願力無須臾忘鄉里之人人亦曷敢忘之生為民望  
歿而可祭于社者曰先生何多讓焉後學余華瑞謹  
識

各族宗祠 所載詳畧悉依本族開示

汪氏宗祠 在一管賢良坊上首時揚公字周舉性  
至孝人稱曰孝揚宋時由唐模遷巖鎮生子十人  
四子徐光二州教授介九子武進縣令俞二公後  
裔于明萬曆四十年建祠祀時揚公為始遷祖

方氏家廟 在鎮西新安方自漢黟侯儲公始分十大派環山巖鎮為一派而環巖又分十八門巖鎮橋西仲里二門最親此祠二門所合建也祀始遷環山之祖昌大公諱高宋咸淳間始遷巖鎮之祖宗善公諱榮宗善公子淳甫公諱正五淳甫公子起莘公諱尹至元初舉孝廉除授饒州路德興縣尉是為二門之共祖長子原慶公諱宗德為橋西門之支祖次子邑庠生伯生公諱大德為仲里門

之支祖祠建于嘉靖年間以少司徒弘靜公貴得稱家廟云

鮑氏宗祠 在雙烈廟西首

吳氏宗祠 在雙烈廟之東高勝龍池茆田三族共建吳自唐左臺御史少微公始遷新安十五世孫用清公宋仁宗時儒士為三支合祠始祖用清公

二子曰福曰和福公為宋校書友堂先生昶之父  
昶同懷弟琛公以文學顯由向杲遷巖鎮為高滕  
丈祖和公之裔至前明玄保公為龍池丈祖敬師  
公為茆田丈祖合祠于此上祀至少微公祠建于  
嘉隆之際

鄭氏宗祠 在洪橋上鄭家埠頭元吉公由官塘遷  
巖鎮洪橋嘉靖九年後裔報孫公同江西左叅政  
佐公建祠祀元吉公為始祖其上世合祀于豐口

統宗本族社壇仍在官塘

胡氏宗祠 在潁溪上梁邊園始祖明經公諱昌翼

唐昭宗太子九歲避朱溫難至婺之星源養于胡  
遂冒姓焉後唐舉明經不仕十三世上舍祥符公  
自考川遷巖鎮黃連寨是為秀二公子元進公定  
居龍池遂為龍池胡氏舊祠原在鎮西康熙乙巳  
為風雨所壞二十八世孫一駟等于康熙乙丑年  
重建此祠



鄭氏宗祠 在南山之麓西向本族自諱琬者始遷  
南山下今即祀為始祖萬曆丙申年裔孫銑同姪  
滂澤建祠

閔氏宗祠 在南山東之高塍北向閔為先賢之胄  
梁大通初鉉公令歛民不忍其去遂家于歛西之  
孝悌鄉十一世孫玉公唐元和間遷巖鎮十六世  
景芬公定居于市心橋之東宋淳化三年建尊聖  
閣祀費公以下歷世祖後燬于兵燹明初復建閣

嘉靖間議改建祠萬曆庚辰功畢雍正丁未重修  
吳氏宗祠 在街南水窟口北向祠建自萬曆初年  
間追祀泰伯為始祖宋時池州教授齊岳公字大  
義卜居巖鎮奉為本宗始遷祖

王氏宗祠 在中街稅務巷口之東新安王自唐金  
紫光祿大夫檢校兵部尚書璧公始居祁門縣西  
苦竹港次子朝散大夫思聯公之五世孫祐公教  
授于巖鎮之黃巢寨善青烏術謂江東山水莫盛

于此地遂家焉卒葬于寨西之劉家山明嘉靖間  
後裔建祠于繡衣里之東歲久傾圮舊有本族名  
宦祠在馬下嶺之西北祖主安其中今于雍正

年重建宗祠于此

程氏宗祠 在中街之南面北祀東晉新安太守元

譚公梁開府謚忠壯靈洗公宋德祐二年由範坑

始遷熾鎮三玖公歷十一世忠任公倡義建祠隆

慶間其子大綱公大紀公大約公輸資督造成功

越百餘歲朽腐幾頽元孫其賢公同姪沛公康熙  
辛未重建堂寢迴廊階下有兩池說者謂不利居  
隣平之樹以松柏前大學士申公時行顏其堂曰  
繼述庶無忝焉

阮氏宗祠 在震艮山始遷祖歙州判登炳公宋咸

淳元年乙丑狀元由姑蘇長洲縣來官于此值兵

火之時保護居民無遺力卒于官子諱泗家于巖

鎮東嶽廟前六世積富公遷居大塘頭次子福惠

公孝友好義卒塋震艮山後建祠于墓左奉福惠  
公為支祖而追祀其先先是五世寅師公以王事  
戍金齒弟龍師公補戍今族皆龍師公裔也祠尊  
二公為不祧主順治己亥唐士奇之寇殘毀僅存  
其址

謝氏宗祠 在下黃土墩宋諫議泌公始居歙黃山  
梓木坦至伯潤公為巖鎮左史呂午公壻自梓木  
坦遷巖鎮為大塘謝氏明嘉靖間建祠因兵火傾

廢今故址並寢室石座尚存

孫氏宗祠 在洪家巷對面始祖萬登公居休陽之  
唐田屢遷至十四世呈公遷巖鎮子杲贅于程生  
子仲璋育于外家遂為程姓二十一世大理寺正  
忠顯公奉父仕寬公命奏請復姓仕寬偕姪忠順  
同建宗祠成于正德七年

余氏宗祠 在鎮東繡衣里宋建炎三年歙令尹潛  
公湖南桃源人以明經授職于此任滿將代民挽

留之公亦樂其山水寓于巖鎮卒葬鎮之南長子  
諱祿回原籍仲子濟公守坵墓遂家焉四世蜚公  
制科進士官至御史中丞十一世明經廣公始修  
家譜嘉靖戊申年合族建祠甲寅告成郡守宗人  
諱勉學題額隆慶二年重立享堂并建夾室

曹氏宗祠

在鎮東繡衣里之東首唐遷新安始祖

文質公諱尚賢宋遷巖鎮始祖堅老公諱彌年祠  
建于隆慶二年

吳氏宗祠

在唐家坦新菴前明嘉靖年間建祀宋

遷巖鎮始祖教授齊岳公元遷東嶽廟墘頭隆一  
公明遷大塘頭榮公祠左有萬曆庚子所建吳世  
臣妻程氏節孝祠今存其址

潘氏宗祠

在鎮北東山北向潘自唐乾符間歛刺

史諱名善政卓異賜璽書留歛篁墩宋武節大夫  
班公長子節度使有容公次子迪功郎有餘公同  
遷巖鎮孫太學生洋發秘書監源發俱有文名及

明處士諱達舉三子長陽江令英次百歲翁韶季處士黃于嘉靖間醵金建祠未就韶長子延年合族之賢而有力者于萬曆丁亥鳩工辛卯卒事規模甚濶大康熙甲子以後衆議改造歛其半工費不給閱二十餘年至戊子族衆竭力經營弘遂獨任享堂不靳傾其所有于康熙庚寅年告成

方氏支祠 在孫公橋北巖鎮派省元門建祀黃帝左相封於方山受姓祖天震公諱雷漢封河南郡

太史太傅遷歛東一世祖景高公諱望漢拜太常卿封黟縣侯新安始祖聖明公諱儲隋復遷歛東世祖文濬公諱叔澣宋自寒山遷巖鎮顯卿公諱師忠七門之始祖也宋省元進擢禮部希文公諱周儒本祠之支祖也祠成于順治八年辛卯

王氏支祠 在溪北龍鎮街之首地名朱浯村王出自太原唐天復進士秘閣太史希羽公乾符五年自宣州遷新安澤富傳十一世椿壽公于宋紹興

遷巖鎮東街設教河北徙居之明萬曆辛丑祠成  
操江都御史耿公定力顏其堂曰睦敬

勅建尚書鮑公祠 在水口祀大司徒鮑公道明祠

前大司徒坊嘉靖四十一年建六柱柱上刻木為

金采時損時修萬曆己亥改作四柱石坊內有綸

音閣康熙初年傾圮易為平宇康熙壬午不戒于

火遺像不存重建正寢其族之昭穆祔焉

廟制定于中古祠堂起于漢人司馬溫公作潞公

先廟記畧有言自秦非笑聖人蕩滅典禮務尊君

卑臣於是天子之外無敢營宗廟者漢世公卿貴

人多建祠堂于墓所都邑則鮮焉此祠堂之所由

始也子朱子集家禮首載祠堂謂古之廟制不見

于經且今士庶人之賤亦有所不得為者故特以

祠堂名之此宋人之所為祠堂也稽其制在居室

正寢之東似即今人之香火家堂矣有問伊川先

生曰今人不祭高祖如何曰高祖自有服不祭甚

非自天子至於庶人五服未嘗有異皆至高祖服  
既如是祭祀亦須如是朱子曰考諸程子之言則  
雖三廟一廟以至祭寢亦必及于高祖但有疏數  
之不同耳疑此最為得祭祀之本意冬至祀始祖  
立春祭先祖程子行之朱子以為疑于禘祫不欲  
行然家禮備載其儀物則非不當祭可知矣魏晉  
以降漸復廟制宋慶曆元年因郊祀赦聽文武官  
依舊式立家廟令雖下而莫之舉行明初集禮品

官廟制未定權倣朱子祠堂之制洪武六年春詔  
定公侯以下家廟禮儀當時學士大夫泥于古而  
憚于改作因循而莫能更始耳嘉靖中禮臣夏言  
本宋儒程頤所修六禮之意奏請詔令天下臣民  
得如程議冬至祭厥初生民之始祖立春祭始祖  
以下高祖以上之先祖但不得立廟以踰分於是  
聚族而居者合衆小祠堂而為一大祠堂此宗祠  
所肇建而名與制實與廟殊可謂緣于情而不傷

于義起于義而不越于禮者矣華瑞竊謂今之祠堂之祭唯在正寢不泥于古而不戾乎古古者封國亦祇奉其始封之君為太祖若宗祠之內唯祀始遷之祖而不必追其遠則可無疑于禘矣

里社壇宇

永興義井社 在鎮西瓦窰山傳聞其來甚遠後于嘉靖五年奉應天巡撫陳行本縣各里立社本社內有碑刻告示社簿有里人鷗汀吳鰲序當日社

首十二家立簿十二冊編號智仁聖義忠和孝友睦嫻任恤家收一冊智字方尚仁字胡滄聖字胡積祐義字陳朝偉忠字汪宗龍和字方桂柏孝字龔然達友字俞嘉貞睦字胡光德嫻字吳仕聖任字吳自成恤字汪時復崇貞丁丑重修并裝神像有慕菴方公士亮募疏康熙丁未年增入徐日學一家立元字號簿

長興祖社 在後路巷其社戶昔為閻氏今為龍池



胡上新街汪柳塘巷程尚義孫余家巷汪一管王  
雍正九年汪成材修

四義井社 在四義井巷唐元和間閔公玉自葛子

橋遷巖鎮合龔黃胡四姓共立此社年久荒廢洪

武癸丑年閔君子壽欲重建而龔黃胡多他徙因

另聯汪方吳三姓仍成四義時同社者六十戶又

歷久幾廢正德丙寅會眾公議重建

龍潭社 在南山之右倚山面西南山鄭氏萬曆年

間建

義成祖社 在汪村田明洪武初詔天下立社巖鎮

眾姓同建故曰義成嘉靖間回祿為災萬曆乙未

年汪氏合族重建工部主事程奎記

寧壽祖社 在梧桐街萬曆壬午原建於方氏龍潭

社之右順治甲午年眾姓移置于此

長塘祖社 在王二田又名壽慶會萬曆己卯年建

崇貞乙亥年社戶十九姓同修

長興社 在王二田苦楮山之東銀臺坵之南余氏合族于萬曆己丑年建辛卯年成功神宮正面黃羅前為百子臺臺前有沼宮左小樓為斯文習業之所又左為文昌閣宮右樓屋典守者所居

龍潭祖社 在鎮南馬下嶺之東北巖鎮方氏七門之社七門者方師忠公宋端平初自寒山遷居東街子孫繁盛列為七門一曰葡萄蓋先世嘗植葡萄于庭故名後改名大宗二曰黨里宋元以來方

之故里也三曰省元四曰教諭五曰文武以其官名也六曰富戶明初以富戶克實京師者也七曰前後以其它有前後之盛也又更稱全孝公建此嘉靖時苑馬寺卿遠宜公奏請免征

鎮東祖社 在東嶽廟之東其地古為崇善亭基宋咸淳六年徽州提刑節度同知致仕邱龍友臨安府錢塘縣知縣致仕王英傑奏請立社奉旨准與立社地稅免徵洪武初兵火燬燼龍友公會孫邱

煥文捐資復造同社王毅祥量助完成日久傾壞  
萬曆間邱大用程茂麟宋必勉吳士旆等倡衆重  
修歷久椽棟椽楹霉蝕欲潰程其賢同姪沛康熙  
壬申年盡易殿宇而新之

崇仁興義社 在東嶽廟三門之內左首五福祠之  
南其初建當在嘉隆之際今無所攷萬曆壬寅年  
曹祺等重建壬子春範鐵為鼎所列社首有十三  
姓四十餘名康熙丁卯年張之燧之煥重修

龍潭社 在水口貢元坊之南尚書祠之右康熙丙  
辰年鮑汝璋建爲合族祝釐

龍潭社 在潛虬山西北隔下臨豐溪上對蔭山潘  
氏于嘉靖十九年建右築龍潭樓祀先世遺像並  
為族人肄業之所

堯源社 在溪北麻園不知何時所建為南北十四  
管人戶所祀不啻百家其故址有斷碑明少司馬  
汪公應蛟撰文土蝕不能全辨中有傳謂唐堯省

方嘗于斯焉駐節故尊奉之曰堯源社云此言未  
知其所自出碑載明萬曆乙巳季夏重建康熙戊  
申燬于火已酉年移祀于溪汧水府祠之左

晉昌社 在青雲橋西土名方可垣后氏自子章公  
奉白雲先生居呂家林後遷新菴前社建于成化  
間內雖傾圮而門楣猶存

同里後學程維翰容有書

黃師教子修鐫